



Inatsisartunut ilaasortaq Jens B. Frederiksen
Demokraatit

Peqqinnissaqarfiup lleqqussat pillugit Eqqarsaqatigiivi pillugit Naalakkersuisunut apeqqut

Inatsisartunut ilaasortaq Jens B. Frederiksen ulloq 6. juli Inatsisartut suleriaasisaanni § 36, imm. 1 naapertorlugu qulaani taaneqartut pillugit Naalakkersuisunut apeqquteqarpoq.

Apeqqutit 1 aamma 2:

Eqqarsaqatigiinnut ilaasortanngorlaat taakku 13-iusut suna tunngavigalugu aalangiunneqarsimappat? Ilaasortanngortitat ilaasortanngortitaanerannut immikkut tamarmik Naalakkersuisunit tunngavilersorneqaqquneqarput.

Eqqarsaqatigiinnut ilaasortanngorsinnaasimasut katillugit qassiusimappat? Suna peqqutaava ilaasa ilaasortanngortitaanngitsoonerannut?

Akissut:

Ileqqussat pillugit Eqqarsaqatigiinnut ilaasortassanik aqqaneq pingasunik ataatsimut isigalugu toqqaasoqarpoq Peqqissutsimut Avatangiisinullu Naalakkersuisup Peqqissutsimut Pisortaqarfik suleqatigilluinnarlugu allanik akuliutsitsinnginneratigit. Inuit toqqarneqartut ukiut ingerlaneranni apeqqutinut Eqqarsaqatigiit suliassaannut tunngasunik isummersortarlutillu oqaaseqartarsimapput. Kissaatigineqarsimavoq Eqqarsaqatigiit Nuummi nagugalinnik aammalu Nuup avataani najugalinnik inuttalernerqarnissaa, aningaasaqarniarnikkut periarfissat qissimigaarlugit toqqartuisoqarpoq. Eqqarsaqatigiit pingaartumik peqqinnissaqarfimmi ajornartorsiutaajunnartunik peqissutsimullu tunngassuteqartunik suliaqartussaammata inuit taakkununga attuumassutillit amerlaningorlugit toqqarneqarneqarsimapput, tamatumalu saniatigit sianiginiarneqarsimalluni Eqqarsaqatigeeqalissasoq kalaalini inuiaqatigiinni tamatigoortumik tunuliaqutalinnik.

Apeqqut 3:

Eqqarsaqatigiit iluanni kigutilerisuninngaaneersoqannginnera, Demokraatinit erninnaq maluginiarneqarpoq. Naalakkersuisut suna peqqutigaat taakkuninnga ilaasortaataqartitsinnginnermut?

Akissut:

Periarfissaqarsimangilaq inunnik peqqinnissaqarfiup suliassaqarfiinit tamaneersunik ilaasortanngortitsinissaq.

20.07.2006
J.nr.

Postboks 1160
3900 Nuuk
Oq/tel +299 34 50 00
Fax +299 32 55 05
peqqip@gh.gl
www.nanoq.gl/peqqik

Apeqqu 4:

Eqqarsaqatigiit atuunnerata ingerlannera qanoq naleqarpa?

Akissut:

Siunertaasimavoq aningaasartuutit annikinnerpaatinniarneqassasut. Tassami taamaallaat ukiumut ataasiarluni marloriarluniluunniit naapeqatigiittoqartassaaq, taamaammat annerpaamik aningaasartuutissatut 50-80.000 koruunit naatsorsuutigineqarlutik, tassami lleqqussat pillugit Eqqarsaqatigiinni ingerlaavartumik oqallittoqassammat Internetimi matoqqasumik oqallittarfimmi.

Apeqqu 5:

Eqqarsaqatigiinni inuit 13-iusut issianertik akissarsiaqaatigissavaat?

Angertoqassappat; qanoq akissarsiaqartinneqassappat?

Akissut:

Ileqqussat pillugit Eqqarsaqatigiinnut ilaasortat akissarsiaqassanngillat ajunngitsorsiaqaratilluunniit.

Inussiarnersumik inuulluaqqusillunga

Asii Chemnitz Narup